



মেমো নং:- ১৪৪৪/শা-২/প.

তারিখ: ০৬ শ্রাবণ ১৪২৯
২১ জুলাই ২০২২

- ১। অধ্যক্ষ, ঢাকা কলেজ, ধানমন্ডি, ঢাকা।
- ২। অধ্যক্ষ, ইডেন মহিলা কলেজ, আজিমপুর, ঢাকা।
- ৩। অধ্যক্ষ, বেগম বদরুন্নেছা সরকারি মহিলা কলেজ, বকশীবাজার, ঢাকা।
- ৪। অধ্যক্ষ, কবি নজরুল সরকারি কলেজ, মিউনিসিপ্যাল স্ট্রীট, ঢাকা।
- ৫। অধ্যক্ষ, সরকারি শহীদ সোহরাওয়ার্দী কলেজ, লক্ষ্মীবাজার, ঢাকা।
- ৬। অধ্যক্ষ, সরকারি বাঙলা কলেজ, মিরপুর, ঢাকা।
- ৭। অধ্যক্ষ, সরকারি তিতুমীর কলেজ, গুলশান, ঢাকা।

২০২০ সনের মাস্টার্স শেষ পর্ব নিয়মিত, অনিয়মিত, মানোন্নয়ন, প্রাইভেট (নিয়মিত, অনিয়মিত, মানোন্নয়ন)

পরীক্ষার ফরম পূরণের বিজ্ঞপ্তি।

পরীক্ষার্থী ও সংশ্লিষ্ট সকলের অবগতির জন্য জানানো যাচ্ছে যে, ২০২০ সনের মাস্টার্স শেষ পর্ব নিয়মিত, অনিয়মিত, মানোন্নয়ন ও প্রাইভেট (নিয়মিত, অনিয়মিত, মানোন্নয়ন) পরীক্ষায় অংশগ্রহণেচ্ছু পরীক্ষার্থীদেরকে পরীক্ষার আবেদন ফরম অনলাইনে পূরণ করে আগামী ২৩-০৭-২০২২ তারিখ থেকে ০৬-০৮-২০২২ তারিখের মধ্যে সংশ্লিষ্ট কলেজে জমা দিতে হবে। পরীক্ষার্থীদের অনলাইনে আবেদন ফরমপূরণ, আনুষঙ্গিক নিয়ম, শর্তাবলী ও সংশ্লিষ্ট কলেজ কর্তৃক কার্যাবলি নিম্নে প্রদত্ত হলো। পরীক্ষার বিস্তারিত সময়সূচী পরবর্তীতে জানানো হবে।

* আবেদন ফরম পূরণ, জমাদান, ব্যাংক ড্রাফট ও বিবরণী ফরম এবং অন্যান্য কাগজপত্র জমাদানের তারিখ:

পরীক্ষার্থী কর্তৃক অনলাইনে আবেদন ফরমপূরণ শুরু ও জমাদানের শেষ তারিখ	কলেজ কর্তৃক অনলাইনে ডেরিফাই করার শেষ তারিখ	ব্যাংক ড্রাফটের তারিখ
২৩/০৭/২০২২ হতে ০৬/০৮/২০২২	০৮/০৮/২০২২	০৮/০৮/২০২২

২০২০ সনের মাস্টার্স শেষ পর্ব পরীক্ষার নির্ধারিত ফি (প্রতি পরীক্ষার্থী):

ক্র. নং	বিবরণ	নির্ধারিত ফি	ক্র. নং	বিবরণ	নির্ধারিত ফি
১	তত্ত্বীয় ফি (প্রতি পূর্ণ পত্র)	২৫০/-	৭	সমাজকর্ম বিষয়ের মাঠকর্ম ফি প্রতি পরীক্ষার্থীর জন্য (প্রযোজ্য ক্ষেত্রে)	১০০০/-
২	তত্ত্বীয় ফি (প্রতি অর্ধ পত্র)	১৫০/-	৮	টার্ম পেপার ফি প্রতি পরীক্ষার্থীর জন্য (প্রযোজ্য ক্ষেত্রে) * বিশ্ববিদ্যালয়ে জমা হবে- ১০০/- * কলেজে জমা হবে- ১৫০/-	২৫০/-
৩	কেন্দ্র ফি- তত্ত্বীয় (প্রতি পরীক্ষার্থী কেন্দ্র- ৪৫০/- এবং কলেজ- ৩০০/-)	৭৫০/-	৯	ইনকোর্স পরীক্ষার ফি (প্রতি পরীক্ষার্থীর জন্য)- ● বিশ্ববিদ্যালয়ে জমা হবে -১০০/- ● কলেজে জমা হবে- ২০০/-	৩০০/-
৪	মৌখিক পরীক্ষার ফি	২৫০/-	১০	থিসিস ফি (প্রযোজ্য ক্ষেত্রে)	১,৫০০/-
৫	ব্যবহারিক পরীক্ষার ফি	২৫০/-	১১	সাময়িক সনদ ফি (প্রতি পরীক্ষার্থীর জন্য)	৩০০/-
৬	কেন্দ্র ফি-ব্যবহারিক (কলেজে জমা হবে)	১২০/-	১২	নম্বরপত্র ফি (প্রতি পরীক্ষার্থীর জন্য)	৪৫০/-

১৩	শ্রেড উন্নয়ন, জি.পি.এ. উন্নয়নের ক্ষেত্রে অন্তর্ভুক্তি ফি ** (তার সাথে পত্র সংখ্যা অনুযায়ী ফি সহ প্রযোজ্য ক্ষেত্রে অন্যান্য ফি)	৩০০/-
১৪	আইসিটি ফি (প্রযোজ্য ক্ষেত্রে)	৭০০/-

১। পরীক্ষায় অংশগ্রহণের প্রয়োজনীয় শর্তাবলি:

- (ক) নিয়মিত, অনিয়মিত, প্রাইভেট ও অনিয়মিত প্রাইভেট শিক্ষার্থীর ক্ষেত্রে:
২০১৯-২০২০ শিক্ষাবর্ষের মাস্টার্স ফাইনাল পরীক্ষার জন্য ঢাকা বিশ্ববিদ্যালয়ে নিবন্ধিত নিয়মিত, প্রাইভেট এবং ২০১৭-২০১৮, ২০১৮-২০১৯ শিক্ষাবর্ষের অনিয়মিত, অনিয়মিত প্রাইভেট শিক্ষার্থীরা উক্ত পরীক্ষায় অংশগ্রহণ করতে পারবে।
- (খ) অকৃতকার্য শিক্ষার্থীর ক্ষেত্রে:
২০১৮, ২০১৯ সনের মাস্টার্স শেষ পর্ব পরীক্ষায় F গ্রেড প্রাপ্ত শিক্ষার্থীরা ২০২০ সনের মাস্টার্স শেষ পর্ব পরীক্ষায় অংশগ্রহণ করতে পারবে। ২০১৯ সনের একজন শিক্ষার্থী F গ্রেড প্রাপ্ত কোর্সের পাশাপাশি মানোন্নয়নের জন্য C এবং D গ্রেড প্রাপ্ত সর্বোচ্চ দুইটি কোর্সে ২০২০ সালের মাস্টার্স শেষ পর্ব পরীক্ষায় পরীক্ষার্থীরা নিজ নিজ সিলেবাস অনুযায়ী অংশগ্রহণের সুযোগ পাবে। তবে C এবং D গ্রেড প্রাপ্ত কোর্সে শুধুমাত্র পরবর্তী বছরেই মানোন্নয়নের সুযোগ পাবে।
- (গ) মানোন্নয়নের ক্ষেত্রে:
২০১৯ সনের মাস্টার্স শেষ পর্ব পরীক্ষায় একজন শিক্ষার্থীর GPA ২.৫০ এর কম হলে উক্ত শিক্ষার্থী ২০২০ সনের মাস্টার্স শেষ পর্ব পরীক্ষায় GPA উন্নয়নের জন্য শুধুমাত্র ২০১৯ সনের মাস্টার্স শেষ পর্ব পরীক্ষায় C এবং D গ্রেড প্রাপ্ত সর্বোচ্চ ০২ (দুই) টি কোর্সের পরীক্ষায় অংশগ্রহণের সুযোগ পাবে।
- (ঘ) ইনকোর্স, টার্মপেপার, মৌখিক, ব্যবহারিক, মাঠকর্ম ও থিসিস পরীক্ষায় গ্রেড উন্নীতকরণের কোনো সুযোগ নাই।

২। ইনকোর্স ও টার্ম পেপার পরীক্ষার প্রয়োজনীয় শর্তাবলি:

- ক) পরীক্ষার্থীদের (নিয়মিত, প্রাইভেট নিয়মিত) ক্ষেত্রে কলেজের সংশ্লিষ্ট বিভাগ ২০% নম্বরের একটি ইন-কোর্স/টার্ম পেপার পরীক্ষার প্রাপ্ত নম্বর রেজিস্ট্রেশন নম্বরের বিপরীতে এন্ট্রি দিয়ে ভেরিফাই করতে হবে। বিশ্ববিদ্যালয় কর্তৃক ভেরিফাই করার শেষ তারিখের পর অনলাইন থেকে ইনকোর্স নম্বরের তালিকা ডাউনলোড করে বিভাগীয় প্রধান এবং কলেজ অধ্যক্ষ মহোদয়ের স্বাক্ষরের পর এক কপি উপ-পরীক্ষা নিয়ন্ত্রক ও দুই কপি পরীক্ষা কমিটির নিকট প্রেরণ করতে হবে।
- খ) ইনকোর্স ও টার্মপেপার পরীক্ষার মূল নম্বর পত্রের (ম্যানুয়াল কপি) ফটোকপি কলেজ সংরক্ষণ করবে এবং মূল কপি (ম্যানুয়াল কপি) ফরম পূরণের বিবরণী ও ফি জমাদানের সাথে বিশ্ববিদ্যালয়ের সংশ্লিষ্ট শাখায় জমা দিতে হবে।

৩। অনলাইনে আবেদন ফরম পূরণ (শিক্ষার্থীদের জন্য):

- ক) আবেদনকারীকে ওয়েবসাইটে (<http://dua7c.com/>) লিঙ্ক এ গিয়ে অনার্স ৪র্থ বর্ষ ২০১৭, ২০১৮, ২০১৯ এর রেজিস্ট্রেশন নম্বর (মাস্টার্স ২০১৮, ২০১৯, ২০২০ এর রেজিস্ট্রেশন নম্বর হিসাবে প্রযোজ্য), বিষয় কোড (৪ সংখ্যার) ও মাস্টার্সের শিক্ষাবর্ষ দিয়ে ওয়েবসাইটের নির্দেশনা অনুযায়ী নিজের ডাটা এন্ট্রি করতে হবে। ডাটা এন্ট্রির প্রক্রিয়া সম্পন্ন হলে শিক্ষার্থী একটি প্রিন্টউট দেখতে পাবে। পূরণকৃত ডাটা সঠিক থাকলে অনলাইন থেকে একটি পূরণকৃত আবেদন ফরম প্রিন্ট করে নিতে পারবে। পূরণকৃত ফরমে পরীক্ষার্থীর বিষয় কোড ও পরীক্ষার বিষয় সহ পরীক্ষার্থীর ব্যক্তিগত তথ্যাবলী উল্লেখ থাকবে।
- খ) প্রিন্টকৃত ফরমে (এন্ট্রি ফরম) শিক্ষার্থী নিজে স্বাক্ষর করার পর কলেজ অধ্যক্ষ/ভারপ্রাপ্ত অধ্যক্ষের স্বাক্ষর নিয়ে ফটোকপি করে এক কপি শিক্ষার্থী সংরক্ষণ করবে এবং আরেক কপি কলেজ কর্তৃক নির্ধারিত ডেস্কে/ সংশ্লিষ্ট বিভাগে অবশ্যই জমা দিতে হবে।
- গ) যদি বিজ্ঞপ্তিতে উল্লেখিত শিক্ষাবর্ষের কোন পরীক্ষার্থীর ডাটা (অনলাইনে ফরমপূরণের জন্য) সরবরাহ করা না হয়ে থাকে তবে সে ক্ষেত্রে পরীক্ষার্থী কলেজ কর্তৃপক্ষের মাধ্যমে ০৪/০৮/২০২২ তারিখের মধ্যে ঢাকা বিশ্ববিদ্যালয়ের পরীক্ষা নিয়ন্ত্রকের অফিসের ৩২২ নং কক্ষে আবেদনের মাধ্যমে জানাতে পারবে।

৪। পরীক্ষার্থীদের জন্য করণীয়:

পরীক্ষার্থীরা অনলাইনে আবেদন ফরম পূরণ করে নির্ধারিত-ফি সহ সংশ্লিষ্ট বিভাগীয় প্রধানের নিকট জমা দিবে এবং কলেজ কর্তৃক নির্ধারিত সময়ের মধ্যে বিবরণী ফরমে সঠিক আছে কি না তা দেখে নিশ্চিত হয়ে স্বাক্ষর করতে হবে। বিষয় কোড ভুল এন্ট্রির জন্য বিশ্ববিদ্যালয় দায়ী থাকবে না। আবেদন ফরমে কোন প্রকার ভুল হলে বিশেষ করে কোড সিলেক্ট করতে ভুল হলে তা পুনরায় বিশ্ববিদ্যালয়ে আবেদনের প্রেক্ষিতে সঠিকভাবে পূরণ করতে হবে। পরীক্ষার্থীর রেজিস্ট্রেশন কার্ডে উল্লিখিত বিষয় ছাড়া অন্য কোন বিষয়ে আবেদন ফরমপূরণ করলে তার আবেদনপত্র বাতিল বলে গণ্য হবে।

৫। কলেজের জন্য করণীয়:

যে সকল পরীক্ষার্থী ২০২০ সালের মাস্টার্স শেষ পর্ব পরীক্ষায় অংশগ্রহণ করতে পারবে কিন্তু অনলাইনে পরীক্ষার্থীদের তালিকায় নাম নাই এমন কোন শিক্ষার্থী থাকলে এবং তালিকায় তার ডাটা না পাওয়া যায় সে ক্ষেত্রে তার রেজাল্ট ও রেজিস্ট্রেশনের মেয়াদ যাচাইপূর্বক নির্ভুলভাবে নির্দিষ্ট এক্সেল ফরমেটে (ঢাকা বিশ্ববিদ্যালয় থেকে প্রেরিত) পরীক্ষার্থীদের ডাটা ০৪/০৮/২০২২ মধ্যে প্রেরণ করতে হবে। এছাড়াও অনলাইনে আবেদন ফরমপূরণকৃত পরীক্ষার্থীদের বিষয়ভিত্তিক বিবরণীতে সংশ্লিষ্ট পরীক্ষার্থী, বিভাগীয় প্রধান ও অধ্যক্ষের স্বাক্ষরের পর মূল কপি ঢাকা বিশ্ববিদ্যালয়ে নির্ধারিত তারিখে জমা দিবে এবং এক কপি কলেজ সংরক্ষণ করবে উল্লিখিত পরীক্ষার ফলাফল প্রকাশিত হওয়া পর্যন্ত।

অনলাইনে পূরণকৃত আবেদন ফরম ভেরিফাই ও আনুষঙ্গিক কার্যাদি (কলেজের জন্য):

ক) ফরম পূরণকৃত পরীক্ষার্থীদের ডাটা ওয়েব সাইটের (<http://dua7c.com/>) লিংক এ গিয়ে কলেজ লগ ইন করে “আন ভেরিফাইড” লিস্ট এ পাওয়া যাবে। শিক্ষার্থীকর্তৃক পূরণকৃত ফরম দেখে ডাটা এন্ট্রি সঠিক হলে, শিক্ষার্থীর ফরমপূরণের ফি জমা সম্পন্ন হয়ে থাকলে এবং পরীক্ষার্থী আলোচ্য পরীক্ষায় অংশগ্রহণের শর্তাবলী পূরণ করলে কলেজ কর্তৃপক্ষ ইনকোর্স নম্বর ইনপুট পূর্বক ভেরিফাই করতে হবে। এভাবে সকল পরীক্ষার্থীর ডাটা এন্ট্রি ভেরিফাই হওয়ার পর পরীক্ষার্থীর বিবরণী প্রিন্ট করে অধ্যক্ষ স্বাক্ষর করবেন।

খ) পূরণকৃত আবেদন পত্রে রেজিস্ট্রেশন বিবরণী অনুযায়ী শিক্ষার্থীর নাম, রেজিস্ট্রেশন নম্বর, বিষয় কোড সঠিক আছে কি-না তা যাচাই পূর্বক অধ্যক্ষ/ভারপ্রাপ্ত অধ্যক্ষ স্বাক্ষর করবেন। ভুল তথ্য প্রদানের জন্য ঢাকা বিশ্ববিদ্যালয় দায়ী থাকবে না।

৬। ফি জমাদানের নিয়মাবলী:

২০২০ সালের মাস্টার্স শেষ পর্ব পরীক্ষার সকল পরীক্ষার্থীদের ফিসের টাকা কলেজ কর্তৃপক্ষ “DU-Affiliated Colleges” শিরোনামে হিসাব নং: ৪৪০৫৭০৩০০০০৬৬- এ সোনালী ব্যাংকের যে কোন শাখায় ব্যাংক ড্রাফট/পে-অর্ডার করে জমা দিতে হবে। ব্যাংক ড্রাফট/পে-অর্ডার অবশ্যই হিসাবে দেয় (A/C Payee) হতে হবে। এ ছাড়াও ঢাকা বিশ্ববিদ্যালয়ের প্রচলিত নিয়মানুসারে প্রতিটি ফরমের মূল্য ১০০/- (এক শত টাকা) যা বিশ্ববিদ্যালয়ে নগদ জমা দিতে হবে এবং কলেজ কর্তৃপক্ষের খরচ হিসেবে ৫০/- (পঞ্চাশ টাকা) করে কলেজকে প্রদান করবে।

৭। বিবিধ:

- ক) পরীক্ষার্থীদের পরীক্ষার হলে বিশ্ববিদ্যালয় কর্তৃক সরবরাহকৃত মূল রেজিস্ট্রেশন কার্ড/প্রবেশ পত্র প্রদর্শন করতে হবে।
- খ) পরীক্ষার্থীর রেজিস্ট্রেশন কার্ডে/প্রবেশপত্রে উল্লিখিত নির্দিষ্ট বিষয়/পত্র কোড ছাড়া অন্য কোনো বিষয়/পত্র কোড -এ আবেদন ফরমপূরণ করলে তার আবেদনপত্র বাতিল বলে গণ্য হবে।
- গ) পরীক্ষার সময়সূচি যথাসময়ে সংশ্লিষ্ট কলেজ/কেন্দ্রসমূহে প্রেরণ ও বিশ্ববিদ্যালয়ের ওয়েবসাইটে প্রকাশ করা হবে।
- ঘ) পরীক্ষার্থীরা নিজ নিজ কলেজ কেন্দ্রে পরীক্ষা দিতে পারবে না। অধ্যক্ষ মহোদয় গণকে এ বিষয়ে সংশ্লিষ্ট সকলকে অবহিত করার জন্যে অনুরোধ করা হলো।
- ঙ) একজন পরীক্ষার্থীর রেজিস্ট্রেশন নম্বর ব্যবহার করে অন্য কোনো পরীক্ষার্থীকে অবৈধভাবে পরীক্ষায় অংশগ্রহণের সুযোগ দেয়া হলে তার দায় দায়িত্ব সংশ্লিষ্ট কলেজ অধ্যক্ষ বহন করবেন।

আপনার বিশ্বস্ত,




(মোঃ বাহালুল হক চৌধুরী)


পরীক্ষা নিয়ন্ত্রক

ঢাকা বিশ্ববিদ্যালয়

E-mail: examcontrollera7c@du.ac.bd



21.07.2022



21.07.2022